



28. juli 2025

Inatsisartut Suleriaasianni § 37, imm. 1 naapertorlugu Naalakkersuisunut imaattunik apeqquaqarpunga:

Naalakkersuisunut apeqqutit:

1. **Ersinngitsumik innarluutillit atugaannik pitsanngorsaaniarnermi Naalakkersuisut qanoq pilersaaruteqarpat?**
2. **Ersinngitsumik innarluutillit atugaannik pitsanngorsaaniarnermi aporfissaasinnaasut annerit suuppat?**
3. **Naalakkersuisut ersinngitsumik innarluutillit atugaannik pitsanngorsaaniarnermi innersuussutit naammattunik najoqqutassaqarpat?**
4. **Nunatsinni ADHD qanoq atugaatiginersoq kisitsisaatigineqarpa?**

(Inatsisartunut ilaasortaq Knud Kleemann, Atassut)

Tunngavilersuut:

ADHD, autisme, PTSD, puigortunngorneq, naqinnernik ilisarinnissinnaannginneq, isigiarsuttuuneq, tusilartuunerlu assersuutigiinnarlugit, taakkuupput ersinngitsumik innarluutitut taaneqartartut. Taakkuuppullu ilaatigut puiginnarneqartoortartut.

Ersinngitsumik innarluutillit ukkatarinerussagutsigit suut aporfiusarnersut uani apeqquaqarninni paaserusuppakka, pingaartumik aaqqiissutissat suunersut allattorneqarsimanersut, suut najoqqutarineqarnersut, kiisalu innersuussutaasut QANOQ piviusunngortinniarnersut.